

JAMHURI YA MUUNGANO WA TANZANIA
OFISI YA RAIS
TAWALA ZA MIKOA NA SERIKALI ZA MITAA
HALMASHAURI YA MANISPAA YA SONGEA
FOMU YA KUJIUNGA NA SHULE YA SEKONDARI SONGEA GIRLS'

Shule ya Sekondari Songea Girls,

S.L.P 268,

SONGEA

18/05/2018

Kumb.Na SGSS/E.20/14/39

Bi.....

.....

.....

**YAH: MAELEKEZO YA KUJIUNGA NA SHULE YA SEKONDARI YA
WASICHANA SONGEA KWA KIDATO CHA TANO.**

1. Awali ya yote napenda kuchukua nafasi hii kukupongeza kwa kuchaguliwa kujiunga kidato cha tano katika shule hii. Jumuiya ya Shule ya Sekondari ya Wasichana Songea (**SONGEA GIRLS' SECONDARY SCHOOL**) inasema HONGERA NA KARIBU SANA. Ni mategemeo yetu utafurahia maisha kwa muda wote utakaosoma hapa na kwamba utaonyesha tabia njema, utakuwa na hari ya kujifunza na utajitahidi, kutekeleza shughuli zote zinazomhusu mwanafunzi kwa juhudi na maarifa. Walimu, Wafanyakazi, Wanafunzi wenzako na wanajumuiya wote kwa ujumla wapo tayari kukupa kila msaada utakaohitaji pale itakapolazimika.

Shule ya Sekondari Wasichana Songea iko umbali wa kilomita moja kutoka stendi kuu ya zamani ya mabasi, Kusini Mashariki mwa Manispaa ya Songea, ikiwa inapakana na Hospitali ya Mkoa, Magereza ya Mkoa na Chuo cha Utabibu. Ili uweze kufika shuleni kwa urahisi, panda basi la Super Feo teremka kituo cha SIDO ambapo zipo Ofisi za mabasi ya kampuni ya Super Feo. Hapo unaweza kuchukua taxi mpaka shuleni, mchana ni Tsh 3,000/= usiku ni Tsh 4,000/=. Pia usafiri wa pikipiki upo kwa Tsh 1,000/= mchana na Tsh 2,000/= usiku mpaka shuleni. Unatakiwa kuripoti shuleni kuanzia tarehe hadi tarehe kwa muhula wa kwanza wa masomo. Unatakiwa kufika Shuleni tarehe tajwa hapo juu. Mwanafunzi atakayechelewa kuripoti pasi na taarifa ya kuchelewa kwake atakuwa amepoteza nafasi hii. **Tafadhali kama umepata shule sehemu nyingine na hutaripoti, toa taarifa shuleni hapa kwa barua ili Wizara ifanye utaratibu wa kumpa nafasi**

mwanafunzi mwingine. Aidha baada ya miezi mitatu toka tarehe ya kuripoti shule, kama utakuwa hujafika shuleni basi Wizara itafanya utaratibu wa kuijaza nafasi hiyo, nawe utakuwa umepoteza nafasi hiyo.

2. Mambo muhimu ya kuzingatia:-

Sare ya shule

Mwanafunzi aje na sketi mbili za kijani (Esteem No.2, kijani CCM). Sketi zake ziwe ndefu kutoka kwenye kisigino mpaka kwenye pindo la sketi zisizidi sentimeta 18 au inchi 7 ½.

- Sketi zake zisiwe na (belt) mkanda mpana, upana wa belt usizidi sentimeta 05 au inchi moja na nusu.
- Marinda – pembeni pande zote mbele na nyuma marinda madogo mawili, katikati rinda box mojaau rinda pana moja. Sketi isibane iwe na upana wa kutosha . Mchoro wa mshono wa sketi umeambatanishwa na barua hii.
- Sketi zake ziwe ndefu sana, na siyo fupi zingatia urefu wa sentimeta 18 au inchi 7 ½ kutoka kwenye kisigino mpaka kwenye pindo la sketi.
- Mzazi/mlezi na mwanafunzi tafadhali zingatia vipimo hivyo, mwanafunzi atakayeshona na kuja na sketi/shamba dress kinyume na vipimo, rangi na aina ya kitambaa tulichoelekeza hatapokelewa, atarudishwa nyumbani ili aje na sare zilizoелеkezwa.
- Mchoro wa mshono wa gauni umeambatanishwa.

Aidha ! Kama mzazi /mlezi na mwanafunzi unadhani itakuwa vigumu kufuata utaratibu/vipimo, mwanao anaweza kuja na fedha na atashonewa hapa shuleni.

- i. Sketi ya kijani @ Tsh. 20,000/=
- ii. Gauni la kazi @ Tsh. 20,000/=
- iii. Sweta moja @ Tsh. 15,000/=
- iv. T-shirt ya Shule moja @ Tsh. 10,000/=

Mwanafunzi anaweza kushona idadi ya sare kadiri ya uwezo wake. Ila inashauriwa awe na angalau sare za darasani mbili na gauni za kazi mbili.

Sare ya shule ni kama ilivyoelekezwa katika maelekezo. Mwanafunzi anatakiwa kuvaa sare wakati wote wa masomo, na anapokwenda hospitali, mjini au anapokuwa katika shughuli zozote za kishule nje ya eneo la shule. Ni marufuku kabisa kujipamba wakati amevaa sare ya shule akiwa shuleni. Aidha, lipo vazi la kazi za nje ambalo huvaliwa na wanafunzi wanapokuwa katika kazi za mikono nje ya masomo.

3. Aidha Mwanafunzi anapaswa kununua sare zifuatazo:-

- (i) Shati (blauzi) nyeupe mbili (2) au zaidi mikono mifupi tetroni – Tomato
- (ii) Raba nyeupe (ZISIWE NA KISIGINO KIREFU; high heels) jozi mbili (02) au zaidi
- (iii) Soksi nyeupe jozi mbili (2) au zaidi.
- (iv) Kwa wanafunzi wa Kiislamu: Vazi la Msikitini

- Suruali nyeusi ya heshima na isibane
 - Blauzi nyeusi ndefu ipite magoti na yenye mikono mirefu.
 - Hijabu ya tetroni nyeupe/juba na sio mtandio, isiwe na urembo wowote. Pia isiwe na urembo wa lessi.
- (v) Bukta nyeusi kwa ajili ya michezo
- (vi) Raba nyeupe kwa ajili ya michezo .
- (vii) Truck Suit dark blue (Adidas) isiyobana kwa ajili ya maandalizi ya jioni.

4. Mahitaji Mengine Muhimu kwa Mwanafunzi.

- i. Awe na sanduku (nunua sanduku la bati) linalofunga vizuri kwa kuhifadhia nguo na vitu vyake.
- ii. Aje na Tsh. 10,000/= kwa ajili ya kukodi godoro kwa muhula ambalo linapatikana shuleni.
- iii. Aje na Mto na Foronya yake
- iv. Blanket moja la futi 2 ½ x 6
- v. Aje na bed cover (shuka moja) ya pink bahari futi 2 ½ x 6 na foronya ya blue bahari visivyo na maua au urembo wowote.
- vi. Shuka za Kulalia mbili za futi 2 ½ x 6 (rangi yoyote)
- vii. Taulo moja (01) au mbili (02)
- viii. Koti la mvua au mwavuli
- ix. Kandambili kwa ajili ya kuogea.
- x. Viatu vya plastiki chipsi rangi yoyote – vya kushindia.
- xi. Aje na kifaa kimoja (01) kulingana na mkondo wake, kama ilivyohainishwa hapo chini:
 - HGK – Reki
 - HGL – Panga
 - HGE – Kwanja
 - PCB – Kwanja
 - CBG – Jembe
 - PCM – Reki
 - HKL – Panga
 - EGM – Fagio refu la kutolea buibui
- xii. Soft broom moja (01).
- xiii. Hard broom moja (01)
- xiv. Drier moja (01)
- xv. Ndoo ndogo mbili (moja kwa matumizi ya shule na nyingine kwa matumizi yake binafsi bwenini).
- xvi. Fagio la chelewa moja (01) kila mwaka.
- xvii. Brashi ngumu yenye mpini mfupi wa mbao/mti moja (01) kwa ajili ya kusafishia sinki la choo. Asilete yenye mpini wa plastic.
- xviii. Alete container lenye mfuniko/sahani, bakuli, kikombe na kijiko (vyombo vya chakula)
- xix. Daftari (Kaunta books) quire three zisizopungua kumi (10)

- xx. T- shirt yenye rangi ya kijivu kwa ajili ya michezo
- xxi. Fedha za kitambulisho na picha Tsh. 6,000/=
- xxii. Ream moja ya karatasi A4 (photocopy paper) kila muhula, kwa mwaka rimu 2.
- xxiii. Mathematical set moja (01) kwa matumizi yake awapo darasani.
- xxiv. Kwa wanafunzi watakaosoma BAM au ADVANCED MATHEMATICS ni vizuri wanunue Scientific Calculator.
- xxv. Graph pad moja (1) kwa mwaka
- xxvi. Ukarabati Tsh. 15,000/= kwa mwaka
- xxvii. Fedha kwa ajili ya Taaluma Tsh. 30,000/=kwa mwaka
- xxviii. Fedha ya matibabu Tsh. 20,000/= kwa mwaka.
- xxix. Mchango wa dawati Tsh. 15,000/= kwa mwaka.
- xxx. Watumishi vibarua Tsh. 30,000/= kwa mwaka. (wapishi, ulinzi na watumishi wasioajiriwa na serikali)
- xxxi. Alete chandarua nyeupe/blue ya kitanda cha futi 2 ½ x 6.
- xxxii. Tsh 20,000/= mitihani ya kujipima mock.
- xxxiii. Disecting kit (kwa wanaosoma Biology).
- xxxiv. Koti la maabara jeupe (wote wanaosoma Sayansi).

5. Ada ya Shule

Ada ya shule kwa mwaka ni Tsh. 70,000/= anaweza kulipa nusu Tsh 35,000/= muhula wa kwanza na nusu nyingine Tsh 35,000/= muhula wa pili. Kama mzazi hana uwezo wa kulipa ada apeleke maombi ya kulipiwa kwenye serikali ya kijiji au Halmashauri ya Mji/Wilaya. Ada na michango yote itumwe kwa kutumia Akaunti ya Shule ambayo

Akaunti No. 61801200148 NMB SONGEA (Songea Girls Secondary School) na mwanafunzi afike na risiti ya kutumia fedha Benki. **Hatutapokea fedha mkononi.Tafadhali nasisitiza.**

6. Fedha za tahadhari (Caution Money)

Kila mwanafunzi atatoa Tsh.5,000/= za tahadhari. Endapo utapoteza au utaharibu kitu ambacho ni mali ya shule, tutakata fedha hizo. Kama thamani ya kitu ulichoharibu/kupoteza ni zaidi ya Tsh. 5,000/= utadaiwa fedha nyingine zaidi. Fedha hizi hazitarudishwa umalizapo shule kwani zitasaidia kukarabati vifaa ambavyo utakuwa umevitumia miaka miwili (tear and wear).

7. Fedha za Matumizi

Mzazi anashauriwa akupatie fedha za kutosha kwa matumizi yako binafsi. Kuna duka la shule ambalo huwapatia wanafunzi mahitaji yao muhimu. Aidha, mwanafunzi haruhusiwi kuweka fedha Bwenini, mkabidhi Mhasibu akutunzie. Vilevile Mzazi/Mlezi atume fedha ya matumizi ya mwanafunzi kwa kupitia posta Kwa Mkuu wa Shule S.L.P 268 Songea au Line ya Shule **0754611255**. Mzazi ukitumia line ya shule andika ujumbe kumtambulisha mhusika, Mfano ; Nimetuma shilingi 30,000/= kwa mwanafunzi Veronica James kidato cha tano PCM. Aidha, Mwanafunzi hatapata ruhusa ya kwenda kufuatilia fedha sehemu nyingine. Mfano kwa ndugu nje ya shule, Benki n.k

NB: Hii ni kwa fedha za matumizi tu.

8. Chakula

Shule hutoa chakula ambacho huliwa na Watanzania wote, ambacho Serikali inapendekeza kuliwa na mwanafunzi. Endapo unayo miiko ya kutokula vyakula fulani, tafadhali usipokee nafasi hii kwani shule haitatoa huduma ya pekee kwa kila mwanafunzi. Pia shule haitoi kibali kwa mwanafunzi kujipikia hivyo asilete chakula kama mchele, unga, biskuti, mkate, kinywaji cha aina yoyote n.k. na haturuhusu mwanafunzi kununua aina yoyote ya chakula/kinywaji toka nje ya shule.

9. Tahadhari

Ada na fedha kwa ajili ya michango yote aliyoagizwa na shule iingizwe kwenye **akaunti ya Shule No. 6181100010 Benki ya NMB** ajapo shuleni awasilishe Benki Pay in Slip aliyotumia fedha hizo. Fedha Taslimu haitapokelewa.

10. SHERIA NA KANUNI ZA SHULE

Mwanafunzi ni lazima akumbuke kuwa, ni marufuku sare ya shule kuvaliwa pamoja na vitu vifuatavyo:

- a. Kofia
- b. Hereni
- c. Bangili
- d. Viatu vya ghorofa (high heels)
- e. Pete, Mkufu, Shanga n.k.
- f. Vibanio vya nywele n.k.
- g. Kupaka wanja, rangi ya midomo.

TAALUMA

Mwanafunzi ni lazima ahudhurie vipindi vyote vya masomo na kufanya mazoezi yote anayopewa na mwalimu wa somo husika. Asipofanya hivyo atapewa adhabu ikiwemo kurudishwa nyumbani.

Kila mwanafunzi anatakiwa apate alama zisizopungua $\frac{50}{100}$ kwa kila somo analosoma kwenye mitihani yote. Akishindwa kufikisha alama hizo kwa somo lolote hataruhusiwa kwenda likizo.

11. Mwanafunzi anatakiwa awe na nywele fupi - Njiti ya kiberiti ikichomekwa kwenye nywele ionekane. Haruhusiwi kusuka nywele.

12. Yafuatayo ni makosa ambayo baada ya kuthibitishwa yanaweza kusababisha mwanafunzi kufukuzwa shule mara moja:-

- a. Wizi
- b. Uasherati na Ushoga
- c. Ulevi wa aina yeyote
- d. Uvutaji wa Bangi na madawa mengine ya kulevya
- e. Makosa ya jinai
- f. Kupigana
- g. Kuharibu kwa makusudi mali ya umma
- h. Kuolewa
- i. Kudharau Bendera ya Taifa au Wimbo wa Taifa
- j. Kuwa na mimba/Kutoa mimba
- k. Kukataa adhabu kwa makusudi
- l. Kugoma, Kuchochea na kuongoza au kuvuruga amani na usalama wa shule na watu

- m. Mwanafunzi kuwa na simu ya mkononi na kifaa chochote kinachohusiana na simu, Radio, TV Camera, Kisu n.k.
- n. Utoro au kutoka nje ya shule bila ruhusa ya Mkuu wa shule.
- o. Kumiliki silaha ya aina yoyote.
- p. Kumiliki camera ya aina yoyote.
- q. Kumiliki kipasha joto (heater).

N.B (i) Tafadhali mshauri mwanao azingatie/afuate maelekezo yote aliyopewa! Akipatikana na kosa litakalosababisha arudishwe nyumbani, atajigharamia nauli ya kwenda na kurudi.

Sheria za Shule

Mwanafunzi anapaswa kufuata kikamilifu sheria na taratibu za shule kama zilivyoelekezwa. Mfano:-

Kutotumia lugha mbaya kwa walezi au kwa wanafunzi wenzake Kutochelewa kuripoti mara shule inapofunguliwa

Kutohudhuria vipindi ndani na nje au kushindwa kuhudhuria mandalio ya masomo (Preparation).

Kuhudhuria mahali anapotakiwa awepo kwa wakati stahiki.

NB: Taratibu na sheria nyingine za shule atasomewa mara baada ya kufika shule.

NGUO NYINGINE

Aje na khanga au kitenge doti moja, gauni au sketi ndefu mbili (02) kwa wataoshona sare shuleni. Mwanafunzi atakayeshona sare nyumbani aje akiwa amevaa sare za shule. Mwanafunzi anaruhusiwa kuvaa Track Suit wakati wa maandalio ya jioni ili kujizuia na mbu. Kinyume na hapo atarudishwa nyumbani kurejesha nguo zisizotakiwa kwa gharama zake.

Masanduku/mabegi makubwa hayaruhusiwi, kwani hatuna nafasi ya kuyatunza. Akija nalo atalazimika kurudisha kwa gharama zake.

13. ANGALIZO KWA MZAZI/MLEZI

- (i) Shule inafuata mihula inayotolewa na Wizara ya Elimu Sayansi Teknolojia na Mafunzo ya Ufundi, hivyo inakuwa na mihula mirefu miwili na mifupi miwili kwa mwaka. Mzazi /mlezi unaombwa kutoa ushirikiano wako kuhakikisha mtoto anawasili kwa wakati shuleni, vinginevyo sheria itachukua mkondo wake.
- (ii) Mawasiliano yoyote kati ya mwanafunzi na mzazi/mlezi yafanyike kupitia Mkuu wa shule, Makamu mkuu wa shule na ofisi ya Malezi. Mwanafunzi haruhusiwi kuwa na simu ya mkononi awapo shuleni.
- (iii) Shule haina utaratibu wa kuwaona wanafunzi isipokuwa mzazi ataitwa na uongozi wa shulekama kuna ulazima wa kufanya hivyo.
- (iv) Aidha unashauriwa kutomruhusu mwanao kumiliki simu kipindi hiki ambacho umri wake unampa shida kuyatawala mazingira ya utandawazi.
- (v) Mzazi/mlezi kutompa mtoto fedha nyingi ambazo zitamfanya apoteze utulivu wa maisha ya shule na kuvunja sheria za shule.

- (vi) Shule ina utaratibu wa kushughulikia usafiri kwa wanafunzi wanaotoka mbali kipindi shule inapofunga. Hivyo mzazi/mlezi utapewa taarifa kabla ya shule kufunga.
- (vii) Mzazi hakikisha unapima afya ya mwanao kwa uaminifu ili kuepuka usumbufu wakati wa masomo.
- (viii) **Iwapo mwanao ana ugonjwa unaomsumbua mara kwa mara, tafadhali aje na vyeti pamoja na dawa anazotumia na akabidhi kwa Muuguzi wa Shule. Hii itarahisishia shule kumhudumia. Usipofanya hivyo shule itashindwa kumhudumia. Usifiche ugonjwa, utapokelewa tu, kupata elimu ni haki yako.**
- (ix) Mwanafunzi anaruhusiwa kuleta pasi ya mkaa kwa ajili ya kunyooshea nguo zake. Ni marufuku mwanafunzi kuwa na kutumia pasi ya umeme ama kifaa chochote kinachotumia umeme. Akibainika hatua kali zitachukuliwa dhidi yake ikiwemo kusimamishwa shule.
- (x) Shule itakapokuwa imefunga, likizo zote **mwanafunzi atatokea shuleni moja kwa moja kwenda kwa mzazi wake (nyumbani kwao) na shule itakapofungua atatokea nyumbani kwao (kwa mzazi) moja kwa moja kuja shuleni.** Atakayekiuka utaratibu huu atarudishwa nyumbani kwa gharama zake.
- (xi) Mwanafunzi haruhusiwi kuja na kumiliki simu au kifaa chochote kinachohusiana na simu, hata kama anatoka mbali. **AKIJA NAVYO ATAFUKUZWA SHULE (ATAFUTWA SHULE MARA MOJA).**

14. Pamoja na barua hii, Pokea


- (a) Fomu ya kupimwa afya yako. Upimwe kwenye Hospitali ya Serikali. Hakikisha unapimwa sio kujaziwa fomu tu, na umweleze Mganga matatizo ya afya uliyonayo, kwani hatutapokea hoja zozote za ugonjwa kinyume na ripoti ya daktari.
- (b) Fomu ya kuonyesha ndugu wa karibu na eneo la shule ikiwa na anuani, namba ya simu na sehemu anakoishi pamoja na ahadi ya kutekeleza wajibu. Kwa kumalizia, nakutakia maandalizi mema na safari njema kuja kujiunga nasi. Utakapofika daima kumbuka kuwa msimamo wa shule hii ni kauli mbiu (MOTTO) ni **KUJIFUNZA, KUJITUMA NA KUJITEGEMEA.**

KARIBU SANA SEKONDARI YA WASICHANASONGEA.



TUPOKE J. NGWALA

MKUU WA SHULE.


 MKUU WA SHULE
 SEKONDARI YA WASICHANA
 SONGEA

MINISTRY OF EDUCATION SCIENCE TECHNOLOGY AND VOCATIONAL TRAINING

Songea Girls' Secondary School
P.O BOX 268
SONGEA

REQUEST FOR MEDICAL EXAMINATION.

Please examine Miss as her physical and mental fitness for admission as a form Students at Songea Girls' Secondary School in the year

Your sincerely.



TUPOKE J. NGWALA

HEADMISTRESS

The headmistress



The headmistress,

I have examined Miss as shown and consider that she is physically and mentally fit/unfit for admission to pursue a full-time secondary school education.

1. Vision with/without glasses. Right Left
2. Blood pressure Hemoglobin
3. Hearing
4. Urine (a) Albumen..... (b)
5. a) Venereal diseases.....(b) Bilharzia
6. Pregnancy
7. Neurosis.....
8. Is there any abnormality of :
a) The heart..... b) Lungs
- c) The spleen
9. Are there serious diseases. E.g. Leprosy, Epilepsy, Asthma, Diabetes, etc.
.....

Date Signature of the medical Officer

Station Designation

SHULE YA SEKONDARI YA WASICHANA SONGEA

FOMU MAALUM INAYOONYESHA TAARIFA ZA NDUGU WA JIRANI NA MWANAFUNZI

Ndugu wa karibu na mwanafunzi: Hakikisha unaandika majina matatu na anwani zao.
Hii inasaidia shule kutoa taarifa endapo tatizo litatokea .
Hatutaki majina ya ndugu wa bandia.

1. (a)Jina : _____
(b) Uhusiano: _____
(c) Anwani: _____
(d) Namba ya Simu: _____

- 2 . (a) Jina : _____
(b) Uhusiano: _____
(c) Anwani: _____
(d) Namba ya Simu: _____

3. (a)Jina : _____
(b) Uhusiano: _____
(c) Anwani: _____
(d) Namba ya Simu: _____

Saini ya mzazi: _____

Tarehe: _____

YAH: AHADI YA KUTEKELEZA WAJIBU

Mimi _____ nakubali nafasi niliyoipata katika Shule ya Sekondari ya Wasichana Songea, kuendelea na masomo yangu. Nafahamu ninagharamiwa na Taifa linadhamini kazi na juhudi. Naahidi mbele ya mzazi/mlezi wangu kuwa nitajitahidi upeo wa uwezo wangu kuwa mwanafunzi mwema. Naahidi nitashirikiana na Walimu, Wafanyakazi wasio walimu pamoja na wanafunzi wenzangu katika kila jambo lenye manufaa kwa Shule na Taifa kwa ujumla.


Saini ya mwanafunzi

Mimi _____ nimesoma yote na kuelewa . Naahidi kwamba nitampatia mahitaji yote kama ilivyoagizwa katika barua, ripoti zote zinazomhusu Binti yangu kwa anwani ifuatayo:

Jina na sini ya mzazi/mlezi: _____

Tarehe: _____

1. SKETI ZA DARASANI (ZIWE MBILI)



2. GAUNI (SHAMBA DRESS) ZA KUSHINDIA- ZIWE MBILI

- Iwe mshono wa solo
- Kitambaa Esteem No.2, rangi bluu bahari
- Kifuani ziwe na upana wa kutosha, isibane
- Urefu toka kwenye kisigino mpaka kwenye pindo la gauni usizidi sentimeta 18 au inchi 7 ½ .

